


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-87	Al-A'la	19	1	Makkiyyah	Ke-8	5



Zaman Diturunkan

1. Surah al-A`la diturunkan pada peringkat pertama kehidupan Rasulullah s.a.w. di Mekah sekitar tahun pertama hingga ketiga Kenabian, pada ketika itu Islam disebarkan secara tertutup dan senyap-senyap. Pada ketika itu Nabi s.a.w. berusaha untuk mengingatkan wahyu yang disampaikan kepadanya (Ayat: 6)

سَنُقَرِّئُكَ فَلَا تَنْسَى ⑥

6. Kami sentiasa menjadikan engkau (wahai Muhammad) dapat membaca (Al-Quran yang diturunkan kepadamu - dengan perantaraan jibril), sehingga engkau (menghafaznya dan) tidak lupa

2. Sebahagian daripada isi kandungan surah ini besar kemungkinannya diturunkan setelah da`wah secara terbuka bermula iaitu pada peringkat تذكير (mengingatkan manusia) kepada ajaran Allah (Ayat: 9).

فَذَكِّرْ إِن نَّفَعَتِ الذِّكْرَى ⑨

9. Oleh itu berilah peringatan (kepada umat manusia dengan ajaran Al-Quran), kalau-kalau peringatan itu berguna (dan sudah tentu berguna)

Kelebihan Surah Al-A`la

1. Rasulullah s.a.w. membaca Surah al-A`la di dalam rakaat pertama shalat Juma`at dan shalat dua hari raya, di dalam rakaat yang keduanya Baginda membaca Surah al-Ghasyiah. Shahih Muslim, Kitab Juma`at, Bab bacaan pada shalat Juma`at, hadits 2,065 daripada Nu`man bin Basyir.

Daripada kenyataan tersebut diketahui Rasulullah s.a.w. sangat mahukan surah-surah berkenaan dihafal oleh semua orang dan difahami kandungannya dengan baik oleh mereka.

2. Di dalam rakaat pertama sembahyang witir juga Rasulullah s.a.w. selalu membaca Surah al-A`la selepas Surah al-Fatihah. Abu Daud, Kitab Witir, Bab Bacaan pada shalat witir, hadits 1,465 daripada Ubai bin Ka`ab.

Perkaitan Surah Al-A`la Dengan Surah Sebelum Dan Selepasnya

Di dalam Surah at-Thariq sebelum ini dinyatakan al-Qur`an yang diumpamakan sebagai hujan itu menumbuhkan tanaman-tanaman iman di dalam hati manusia, di dalam Surah al-A`la ini pula dinyatakan bahawa nasihat al-Qur`an itu hanya sampai ke dalam hati orang yang takut kepada tuhan (Ayat: 10).

سَيَذَكِّرُ مَنْ يَخْشَى ⑩

10. Kerana orang yang takut (melanggar perintah Allah) akan menerima peringatan itu;

Di dalam Surah al-A`la dan juga Surah al-Ghasyiah selepas ini umat Islam diperintah supaya terus

memberi peringatan dan nasihat kepada manusia dengan kata فَذَكِّرْ.

Beberapa Kata Kunci Dan Tema Utama Surah

1. Melalui ayat pertama Surah al-A'la, manusia diperintah supaya mengakui kemahasucian Allah (سُبْحَ) dan menerima tauhid yang suci murni.
2. Melalui firman Allah فَذَكِّرْ, Rasulullah s.a.w. diingatkan supaya terus memberi nasihat dan peringatan kepada manusia dengan al-Qur'an (Ayat: 9).

فَذَكِّرْ إِنْ نَفَعَتِ الذِّكْرَى ⑤